

Universitätsbibliothek Paderborn

Brevis Institutio De Salvatri Poenitentia Peccatoris

Viexmont, Claude de

Coloniae Agr., 1725

VD18 1361598X

Prologvs.

[urn:nbn:de:hbz:466:1-50113](https://nbn-resolving.de/urn:nbn:de:hbz:466:1-50113)

PROLOGVS.

*Claudius Viexmontius Parisiensis, dilecto in Christi
visceribus fratri, salutem in Domino.*

Solent plerique hominum, frater in Christo charissime, amore vsque adeo præpostero amicos suos diligere, vt si morbus aut alia quæuis aduersitas eorum corpori obtigerit, tristentur, lugeant, & impatientiùs ferant: vicissim si eos in omne flagitii genus diffluere conspexerint animæque internecione deperire, nihil minus curant, paruipendunt, imò etiam interim applaudunt: dunt taxat si illis ad corradendas opes capessendosque Magistratus, technis & scelere accessus patuerit. In quo sanè corporum amicos præ se ferunt, non animarum: desiderant enim eos corpore valere in hoc sæculo, nec curant, quid eorum animæ passuræ sint in altero. Non sic ego, frater charissime, non sic: vtinam atque vtinam castigans castigaret te Dominus, & æternæ morti non traderet te, ut saltem temporali tribulatione compulsus ad Deum confugeres, sicut & filius ille prodigus inopia inediaque coactus, ad patrem reuersus est, & pueruli liberiùs discurrentes, matrem eos blanditiis reuocantem contemnunt, qui à quopiam offensi aut perterriti ad maternum gremium tremebundi contendunt: multi etiam per torturas & quæstiones crimen suum agnoscunt, quod priùs nullis pollicitationibus agnoscere voluerunt. O vtinam etiam cum corporis tui damno, si necesse sit, animæ tuæ consuleretur: te procul dubio non deflerem, non mœrerem, imò tibi summopere congratulandum ducerem. Etenim putásne, quod tibi adulari velim, aut te in peccatis tuis fouere? Rarus est, qui non appetat laudem, rarius qui recuset oblatam, rarissimus,

simus, qui patienter suam ab alio audiat accusatio-
nem: nihilominus tamen, ut mundæ sint hodie ma-
nus meæ à sanguine tuo, non subterfugiam, quo
minus omne Dei consilium tibi annunciem. Ve-
lis, nolis, verbum veritatis, quod Deus in ore meo
posuit, loquar: clamabo tibi, nec cessabo, & sicut tu-
ba vocem meam exaltabo, ne si tibi non annuncia-
uero, ut à via tua impia auertatis, sicque in iniqui-
tate tua moriaris, animam tuam de manu mea Do-
minus requirat: si annunciauero, vtcunque res
cadat, animam meam liberauero.

Nec ob id me iudices inimicum, quod tibi pa-
tefaciam crimen tuum, magis tibi inimicus essem,
si te, quem increpando possum liberare, tacendo
permitterem perire. Si enim vulnus haberet in cor-
pore, quod occultare velles, nolens illud secari,
nónne crudeliter à me tegeretur, ac misericorditer
detegeretur? quanto ergo magis crimen tuum de-
tegere debo, ne deterius putrescat in pectore tuo?
Molestus est Medicus ægroto, quem secat, & pater
filio, quem castigat, inuitis tamen bona præstant:
dum eorum potius consulunt vtilitati, quam inser-
uiunt voluntati. Quod si eos negligerent, & per-
ire permitterent, falsa illa pietas vocanda esset
impietas: sicut enim aliqua est misericordia pu-
niens, ita aliqua est crudelitas parcens.

Itaque, frater charissime, ut aut mea exhor-
tatione salueris, aut saltem meo perfunctus officio
reus non sim tuæ damnationis: sex rationibus, qui-
bus à pœnitentia auocaris, gratia Dei cœptis no-
stris aspirante, satisfaciam. Ad quod me fore ido-
neum despero, nisi Deus, qui dedit hoc velle,
etiam det idem perficere. Qua mea desperatio-
ne robustior fio, dum viribus meis diffidens ad il-
lum

lum spem meam erigo, qui linguas infantium fa-
cit disertas, & qui mutorum aperit linguas: qui
veritatem suam dum voluerit, etiam per ora iu-
mentorum patefacit: qui asinæ Balaam ruditus in-
formes & indistictos, per articulos humani collo-
quii distinxit modos: qui stulta mundi elegit, ut
confunderet sapientes: quique dixit, Aperi os
tuum, & implebo illud: ipse mihi spem facit, eius
adiutorio id fore in perfectione, quod eo inspiran-
te in nostra prius fuit voluntate. Qui ut labia mea
aperiat, seu potius meam scribentis mentem insti-
tuat, manumque dirigat: ut etiam meam ad te Pa-
ræneticam seu exhortatoriam epistolam menti tue
penitus infundat, priusquam accingamur, ego qui-
dem ad scribendum, tu vero ad scripta mea legen-
dum, deuotè & suppliciter eum inuocemus, di-
centes:

VEni creator Spiritus,
Mentes tuorum visita;
Imple superna gratia,
Quæ tu creasti pectora.
Qui paracletus diceris,
Donum Dei altissimi,
Fons viuus, ignis, charitas,
Et spiritalis vncio.
Tu septiformis munere,
Dextræ Dei tu digitus;
Tu ritè promissum patris,
Sermone ditans guttura.
Accende lumen sensibus,
Infunde amorem cordibus,
Infirma nostri corporis
Virtute firmans perpeti.
Hostem repellas longius:
Pacemque dones protinus
Ductore sic te prævio,
Vitemus omne noxiū.

Per

Per te sciamus (da) patrem :
Noscamus atque filium :
Te utriusque spiritum
Credamus omni tempore.
Sit laus Patri cum Filio,
Sancto simul Paracleto ;
Nobisque mittat Filius
Charisma sancti Spiritus.

SVMMA TRIVM PARTIVM POENITENTIÆ.

Quoniam tota hæc est, instituti operis ratio, peccatorem exhortari ad pœnitentiam; ideo priusquam ad rem ve-

niamus, de pœnitentia & partibus eius paucis dicamus.

POENITENTIA tribus partibus constat: *Cordis contritione, Oris confessione, & Operis satisfactione.*

CONTRITIO est cordis amaritudo ratione peccati commissi, cum odio cuiuslibet peccati supra omne odibile, & proposito vitandi quodlibet peccatum supra omne vitabile; nec non confitendi peccatum suum cognitum, & pro eo satisfaciendi tempore & loco.

Ad contritionem sex sunt necessaria:

Peccati, cuius venit in memoriam, actuale odium supra omne odibile, & omnis alterius peccati in generali.

Propositorum, illud vitandi supra omne vitabile, & omne aliud in generali.

Propositorum, illud confitendi Sacerdoti, tempore & loco.

Propositorum peragendi pœnitentiam à Sacerdote pro illo peccato iniunctam.

Voluntas efficax restituendi alienum.

Ob acceptram iniuriam inimico suo parcere.

CONFESSIO, est legitima coram Sacerdote peccatorum declaratio, cum legitima Sacerdotis absolutione eorundem.

Bonæ confessioni duodecim necessaria sunt.

1. Voluntariè enim, & non coactè est confitendum
2. Quæ ad confessionem spectant, diligenter exequendum.
3. Quid & quo modo confitebitur, præmeditandum.
4. Nullum peccatum mortale consultò reticendum.
5. In se, non in alium culpam omnem retorquendum.
6. Sua, non aliorum peccata confitendum.
7. Cum displicentia & contritione declarandum.
8. Etiam cum pudore & verecundia.

9. De

9. De peccatorum venia non desperandum.
 10. Coram Sacerdote se humiliandum.
 11. Falsò se nec laudandum, nec vituperandum.
 12. Circumstantias aggrauantes aperte explicandum.
- SATISFACTIO, est pro Dei offensa debitæ pœnæ voluntaria perpessio.

Opera Deo satisfactoria sunt.

Oratio, id est, omne opus interius & exterius ad Dei cultum pertinens, ut sunt sancti affectus, & omnes gestus corporis, quibus Deo seruimus.

Eleemosyna, id est, omnia opera misericordiae, & spiritualia & corporalia.

Ieiunium, id est, quælibet corporis afflictio & tribulatio pro Deo voluntariè perpessa.

His tribus partibus, scilicet Contritione, Confessione, & Satisfactione, constat Pœnitentia, ad quam peccatorem induendum suscepimus.

INDEX CAPITVM.

Institutionis Parænetice ad Pœnitentiam Prologus.

PRIMA PARS, DE POENITENTIA CITO AGENDA.

Caput I.

Quod instabilis est hominis vita, ideoque differri non debet pœnitentia. *Cap. II.* Pag. 1

Quam periculose sit conuersionem ad Deum differre usque in mortis articulum. 7

Cap. III.

Quod latet ultimus dies, ut velut ultimus obseruentur omnes. *Cap. IV.* 12

Quanta præsentium voluptatum est inæqualitas, ad æternas inferni pœnas. *Cap. V.* 19

Quod præstat iam à iuuentute pœnitentiam agere, quam eam in senectutem usque prorogare. 24

Cap. VI.

Quod præstat in mundo pœnitentiam agere, quam in purgatorio pro peccatis satisfacere. 30

Cap. VII.

Quod nemo simul potest & pœnitentiam agere, & voluptatibus suis infatuire. 35

Primæ partis conclusio. 39

SE-